

IV. OPOSICIÓN E CONCURSOS

CONSELLERÍA DE CULTURA, EDUCACIÓN E ORDENACIÓN UNIVERSITARIA

ANUNCIO do 4 de febreiro de 2016, da Dirección Xeral de Centros e Recursos Humanos, polo que se comunica a ampliación de titulacións e se procede á apertura dun novo prazo para solicitar prazas de interinidades e substitucións para impartir docencia no corpo de profesores técnicos de formación profesional nas especialidades de Fabricación e Instalación de Carpintería e Moble (591204), Producción de Artes Gráficas (591223), Soldadura (591228) e Técnicas e Procedementos de Imaxe e Son (591229).

A Dirección Xeral de Centros e Recursos Humanos abriu un prazo para solicitar prazas de interinidades e substitucións para impartir docencia no corpo de profesores técnicos de formación profesional nas especialidades de Fabricación e Instalación de Carpintería e Moble (591204), Producción de Artes Gráficas (591223), Soldadura (591228) e Técnicas e Procedementos de Imaxe e Son (591229), entre outras, publicado no *Diario Oficial de Galicia* número 17, do 27 de xaneiro de 2016, e cómpre ampliar as titulacións xa publicadas que se especificaban no punto primeiro dese anuncio.

Esta dirección xeral

RESOLVE:

Primeiro. Abrir un prazo para posibles interinidades ou substitucións para o corpo de profesores técnicos de formación profesional (591), nas especialidades que se indican a seguir:

Disciplina	Titulacións
591204. Fabricación e Instalación de Carpintería e Moble	<ul style="list-style-type: none"> – Enxeñeiro: <ul style="list-style-type: none"> – Industrial. – De montes. – De materiais. – De organización industrial. – Arquitecto. – Enxeñeiro técnico en: <ul style="list-style-type: none"> – Deseño industrial. – Industrial, especialidade en Mecánica. – Forestal. – Arquitecto técnico. – Os correspondentes graos das titulacións anteriores adaptadas ao EEES (Espazo Europeo de Educación Superior). – Técnico superior en: <ul style="list-style-type: none"> – Deseño e amoblamento. – Producción de madeira e moble. – Desenvolvemento de produtos en carpintería e moble. – Técnico especialista en: <ul style="list-style-type: none"> – Construción industrial de madeira. – Ebanista. – Madeira. – Modelista de fundición. – Deseño e fabricación de mobles.



Disciplina	Titulacións
591223. Producción de Artes Gráficas	<ul style="list-style-type: none"> - Licenciado en: <ul style="list-style-type: none"> - Comunicación Audiovisual. - Publicidade e Relacións Públicas. - Xornalismo. - Química. - Enxeñeiro químico. - Enxeñeiro técnico: <ul style="list-style-type: none"> - Industrial, especialidade en Química Industrial. - Deseño industrial. - Forestal. - Técnico superior en: <ul style="list-style-type: none"> - Deseño e xestión da produción gráfica. - Producción en industrias de artes gráficas. - Técnico especialista en: <ul style="list-style-type: none"> - Composición. - Encadernación. - Impresión. - Procesos gráficos. - Reprodución fotomecánica. - Composición de artes gráficas.
591228. Soldadura	<ul style="list-style-type: none"> - Licenciado en Máquinas Navais. - Enxeñeiro: <ul style="list-style-type: none"> - Industrial. - Naval e oceánico. - Aeronáutico. - Automática e electrónica industrial. - De minas. - De materiais. - Organización industrial. - Diplomado en Máquinas Navais. - Enxeñeiro técnico: <ul style="list-style-type: none"> - Aeronáutico. - Agrícola. - Deseño industrial. - De minas. - Industrial. - Naval. - Obras públicas. - Os correspondentes graos das titulacións anteriores adaptadas ao EEES (Espazo Europeo de Educación Superior). - Técnico especialista en: <ul style="list-style-type: none"> - Construcións metálicas. - Fabricación soldada. - Soldadura. - Caldeiraría en chapa estrutural. - Construción naval. - Trazador naval. - Técnico superior en construcións metálicas.
591229. Técnicas e Procedementos de Imaxe e Son	<ul style="list-style-type: none"> - Licenciado en: <ul style="list-style-type: none"> - Comunicación Audiovisual. - Publicidade e Relacións Públicas. - Xornalismo. - Enxeñeiro de telecomunicacións. - Enxeñeiro técnico de telecomunicacións, especialidade en Imaxe e Son. - Os correspondentes graos das titulacións anteriores adaptadas ao EEES (Espazo Europeo de Educación Superior).

CVE-DOG: eiu7jnk0-zcz8-alm7-1783-odkyosna45b2



Segundo. *Requisitos*

1. Ser español ou ter a nacionalidade doutro país membro da Unión Europea ou de calquera outro dos Estados a que, en virtude dos tratados internacionais realizados pola Unión Europea e ratificados por España, sexa de aplicación a libre circulación de traballadores e traballadoras.

Tamén poderán participar o cónxuxe, os descendentes e os descendentes do cónxuxe, tanto dos cidadáns españois como dos nacionais doutros Estados membros da Unión Europea ou de Estados en que, en virtude de tratados internacionais subscritos pola Unión Europea e ratificados polo Estado español, sexa de aplicación a libre circulación de traballadores cando así o prevexa o correspondente tratado, sexa cal sexa a súa nacionalidade, sempre que os cónxuxes non estean separados de dereito e, con respecto aos descendentes, sexan menores de vinte e un anos ou maiores desta idade pero vivan a cargo dos seus proxenitores.

2. Ter feitos os dezaseis anos e non ter alcanzado a idade establecida, con carácter xeral, para a xubilación.

3. Estar en posesión das titulacións que se especifican no punto primeiro deste anuncio. No caso de que as ditas titulacións se obtivesen no estranxeiro, deberá terse concedida a correspondente credencial de homologación, segundo o Real decreto 285/2004, do 20 de febreiro (*Boletín Oficial del Estado* do 4 de marzo), e o Real decreto 1837/2008, do 8 de novembro, polo que se incorporan ao ordenamento xurídico español a Directiva 2005/36/CE do Parlamento Europeo e do Consello, do 7 de setembro, e a Directiva 2006/100/CE do Consello, do 20 de novembro, relativas ao recoñecemento de cualificacións profesionais, ben como a determinados aspectos da profesión de avogado (*Boletín Oficial del Estado* do 20 de novembro).

4. Ademais do requisito de titulación, deberá acreditarse formación pedagóxica e didáctica establecida no artigo 100.2 da Lei orgánica 2/2006, do 3 de maio, de educación, e, polo tanto, estar en posesión do correspondente título de máster regulado pola Orde ECI/3858/2007, do 27 de decembro, pola que se establecen os requisitos de verificación dos títulos universitarios oficiais que habiliten para o exercicio das profesións de profesor de educación secundaria obrigatoria e bacharelato, formación profesional e ensino de idiomas.



5. Non será necesaria a posesión do citado título oficial de máster antes mencionado para o solicitante que acredite estar en posesión, con anterioridade ao 1 de outubro de 2009, dalgún dos seguintes requisitos:

a) Estar en posesión do título profesional de especialización didáctica, do certificado de cualificación pedagóxica ou do certificado de aptitude pedagóxica.

b) Estar en posesión dun título universitario oficial que habilite para o exercicio da profesión de mestre, ou dun título de licenciado en Pedagogía ou Psicopedagogía, así como calquera outro título de licenciado ou outra titulación declarada equivalente que inclúa formación pedagóxica e didáctica.

c) Ter impartido docencia durante un mínimo de 12 meses en centros públicos ou privados de ensino regrado, debidamente autorizados, nos niveis e ensinanzas cuxas especialidades docentes se regulan no Real decreto 1834/2008, do 8 de novembro. Esta experiencia docente acreditarase mediante certificación da dirección do centro, co visto e prace da inspección educativa.

6. No caso de presentarse cunha titulación de técnico superior ou técnico especialista, deberá estar en posesión e presentar a certificación oficial do título de formación pedagóxica e didáctica equivalente ou acreditar que, con anterioridade ao 1 de setembro de 2014, impartiu docencia durante dous cursos académicos completos ou, na súa falta, doce meses en períodos continuos ou discontinuos, en centros públicos ou privados de ensino regrado debidamente autorizados, nos niveis e ensinanzas correspondentes reguladas na Orde EDU 2645/2011, do 23 de setembro, modificada pola Orde ECD/1058/2013, do 7 de xuño.

7. Ter superado o curso Celga 4 de lingua galega ou ter a validación equivalente.

Terceiro. *Prazo de solicitude*

O prazo para presentar a instancia de solicitude, así como a documentación xustificativa dos requisitos mínimos exixidos e dos méritos alegados para a súa baremación, será de cinco días naturais contados a partir do día seguinte ao da publicación deste anuncio no *Diario Oficial de Galicia* e poderanse presentar en calquera rexistro oficial ou en calquera das dependencias a que alude o artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común. No caso



de que se opte por presentar a solicitude nunha oficina de Correos, farase en sobre aberto, para que a instancia sexa datada e selada polo funcionario antes de ser certificada.

Cuarto. Importe e pagamento dos dereitos de inscrición nas listas (código 30.03.01)

Os dereitos de inscrición nas listas serán de 16,98 euros.

Estarán exentos do pagamento, logo de xustificación documental:

- a) Persoas con discapacidade igual ou superior ao 33 %.
- b) Persoas que sexan membros de familias numerosas clasificadas na categoría especial.

Aplicarase unha bonificación do 50 % á inscrición solicitada por:

- a) Persoas que sexan membros de familias numerosas de categoría xeral.
- b) Persoas que figuren como demandantes de emprego desde, polo menos, seis meses antes da data da convocatoria de probas selectivas nas cales soliciten a súa participación e non estean a percibir prestación ou subsidio por desemprego.

O pagamento da taxa poderase efectuar de dous xeitos diferentes:

– A través do impreso de autoliquidación -A ou AI-, en calquera das entidades financeiras colaboradoras na recadación das taxas e prezos da Comunidade Autónoma de Galicia.

– De forma telemática, no enderezo: <http://www.atriga.es/web/atriga/a-axencia-tributaria-de-galicia/servizos/oficina-virtual-tributaria/servizos-sen-certificado>, podendo optar por:

- Un pagamento telemático puro que xeraría un modelo 730 directamente (neste caso é obrigatorio enviar o xustificante que se imprime ao efectuar o pagamento).
- Un pagamento telemático presencial que xeraría un modelo 739, co cal irían ao banco e logo teríase que retomar a operación na oficina tributaria virtual (OTV) para xerar o modelo 730.

Os modelos válidos que se deberán presentar como xustificante de pagamento de taxas nas fases correspondentes son os modelos A, AI e 730.



A non presentación deste anexo, dentro de prazo, en que figure o selo da entidade bancaria determinará a exclusión do aspirante. En ningún caso a presentación deste anexo suporá substitución do trámite de presentación en tempo e forma da solicitude.

Quinto. *Modelo de solicitude*

O modelo de solicitude está á disposición das persoas interesadas na páxina web da consellería, no enderezo <http://www.edu.xunta.es> (profesorado-xestión de profesorado).

Sexto. *Comisión baremadora*

A asignación da puntuación que lles corresponde aos concursantes será levada a cabo por unha comisión constituída por funcionarios destinados na Consellería de Cultura, Educación e Ordenación Universitaria. Esta comisión estará cualificada na categoría primeira para os efectos do previsto no Decreto 144/2001, do 7 de xuño (*Diario Oficial de Galicia* do 25 de xuño).

Poderá asistir ás reunións da comisión, con voz e sen voto, un representante por cada unha das organizacións sindicais con presenza na Mesa Sectorial Docente non Universitaria.

Sétimo. Os candidatos seleccionados terán un número de orde posterior ao do persoal interino/substituto da mesma especialidade que foi seleccionado en convocatorias anteriores.

Oitavo. O baremo, de acordo coa addenda asinada cos sindicatos da Mesa Sectorial Docente o 11 de xullo de 2006 (texto refundido publicado na Resolución do 31 de xullo de 2013, *Diario Oficial de Galicia* do 12 de agosto), será o publicado na fase de concurso da Orde do 11 de marzo de 2015 pola que se convocan procedementos selectivos de ingreso e acceso ao corpo de mestres, entre outros, na Comunidade Autónoma de Galicia (DOG do 18 de marzo).

Disposición adicional primeira

As persoas que xa presentasen a solicitude dentro do prazo establecido no Anuncio do 21 de xaneiro de 2016 (*Diario Oficial de Galicia* do 27 de xaneiro) non terán que volver formular a solicitude.



Disposición adicional segunda

Os méritos alegados, por todos os participantes, serán referenciados á data en que remate o prazo de presentación de solicitude deste anuncio aínda que xa fosen presentados dentro do prazo establecido no anuncio referido na disposición adicional primeira.

Santiago de Compostela, 4 de febreiro de 2016

José Manuel Pinal Rodríguez
Director xeral de Centros e Recursos Humanos

